

Hrabrost

Hrabrost je kad se osoba izdvoji i rekne ono što misli bez obzira što se drugi ne slažu sa tim. Ja sam u više slučajeva bio hrabar, bar ja tako mislim.

Jednom sam se igrao sa rodicama na jednom mostu iznad zeničke rijeke u blizini naselja Tetovo. Mladi kućici od su pali na rub rijeke i tresli se dok ih je bespomoćna kuja pokušavala spasiti. Razmišljao sam vrijedi li rizikovati svoj život radi tri mala šteneta. Odlučio sam, idem pa šta bude, bude. Skinuo sam duksericu i, njome jednog po jednog vezao i dodavao rodicama. Na kraju, kad se sve to završilo, bili smo ponosni što smo imali hrabrosti za ovakvo djelo. Tog sunčanog dana se ja i moje rodice prisjećamo kad god vidimo pse.

Poenta ove moje kratke priče je da u životu vrijedi i treba rizikovati. Život bez rizika i bez hrabrosti nije interesantan. Također sam naučio da hrabrost nije odsustvo straha, nego pobjeda nad njime.

Hrabar čovjek nije onaj koji se ne boji, nego onaj ko nadvlada svoj strah.

Ahmed Muratović

OŠ „Edhem Mulabdić“

Zenica

Dugo mi je trebalo da naučim šta je hrabrost.

Mnogi je definišu kao odsustvo straha.

Ja ne.

Za mene je hrabrost pobjeda nad strahom.

Očito je da hrabrost nije mala stvar, čak što više, smatram da se svijet zasniva na njoj .

(Mnoge pjesme i filmovi su dokaz za to.)Danas,mnogi ljudi hrabrom osobom smatraju agresivce, one koji iskazuju moć i negativno kritikuju druge.Ustvari,sve što rade im je kao maska, a u dubini se plaše čak i vlastite sjene.

Svi se nečega plašimo i ti nas strahovi mogu nadvladati ili ojačati.Činjenica je da MI biramo. Sami krojimo svoju budućnost i imamo mogućnost izbora.

Danas je jedna od najvećih hrabrost biti drugačiji od drugih i imati svoje „ ja “ misleći na razmišljanje, pogled na svijet...

Trebamo biti neko ko će se istaknuti u masi , neko ko će pokazati svijetu da trebamo biti drugačiji ,

da je uredu nemati isto mišljenje vjerujući da je to dobro za sve nas,a za sve to nam je potrebna hrabrost.

Nemojmo živjeti u sjeni, nemojmo čekati da neko kaže svoje mišljenje,a mi slijepo vjerujemo u to. Budimo drugačiji, budimo svoji,budimo hrabri.

Nejra Stjepanović

OŠ „ Edhem Mulabdić „

Zenica